

## بیوہ عورت تے بے انصاف جج نی مثال

18 <sup>1</sup> فر حضرت عیسیٰ اپٹے صحابیاں کی اک  
مثال سٹائی جس نا مقصد انہاں کی اے

سبق دینا سی کہ ہر ویلے اللہ کولوں دُعا منگئی چاہی  
نی اے، تے ہمت نی ہارٹی چاہی نی۔ <sup>2</sup> انہاں آخیا،

”کُسے شہر وچ اک جج سی۔ اُس نے دلے وچ ناں  
تے خوفِ خُدا سی، تے ناں ہی او انسانیت نی قدر

کرنا سی۔ <sup>3</sup> اُس شہر وچ اک بیوہ عورت سی جیہڑی  
جج کی آختی رہی سی، ’مہربانی کری کے مہاڑے

نال انصاف کرو تے مکی اپٹے دُشمن کولوں بچاؤ۔‘  
<sup>4</sup> کافی عرصے تک ججے اُس واسطے کجھ ناں

کیتا۔ آخرکار اک دیہاڑے اُس سوچیا، ’بیشک مکی  
کُسے نا ڈر نی، ناں تے خُدا نا تے ناں ہی کُسے

انسان نا۔ <sup>5</sup> پر فر وی اِس بُڈھی واسطے انصاف

کری ہی شوڑاں، کیئانکہ اِس تے مکی بہوں تنگ

کری شوڑنا اے، تے اِس بس وی نی کرنی۔“

6 اے مثال سُٹائی کے حضرت عیسیٰ آخیا، ”تکو تے سہی، اے بے انصاف جج گے پیا آختا اے؟ اِس تُوں سبق سِخو۔“ 7 فر حضرت عیسیٰ صحابیاں کی آخیا، ”ہُن سوچو کہ اللہ تعالیٰ اپٹے چُٹے وے بندیاں نال انصاف ناں گرسی جیہڑے دیہاڑی راتی اُس کولوں مدد منگئے ان؟ گے او اُنہاں کی ہمیشاں ٹالٹا ہی رہسی؟ 8 میں تُساں کی دسی شوڑاں کہ اللہ تعالیٰ بہوں جلدی اُنہاں نال انصاف گرسی۔ پر گل اے اے کہ جیہڑے ویلے ابنِ انسان یعنی کہ میں، دُنیا پر دُوئی واری اچھساں، گے واقعی ایٹے جہرے لوک ہوسن جیہڑے مہاڑے پر ایمان آتسن؟“

## فریسی تے ٹیکس کِہنے آلے نی مثال

9 فر حضرت عیسیٰ اوٹے جہیاں لوکاں نے بارے وچ مثال سُٹائی جیہڑے اپٹے آپ کی مذہب نا ٹھیکیدار سمجھئے ان تے دُوئے لوکاں کی حقیر سمجھئے ان۔ 10 ”دو بندے بڑے عبادت خانے وچ پئے دُعا کرنے سن۔ اُنہاں وچ اک فریسی فرقے نا بندہ سی تے دُوا ٹیکس کِہنے آلا

بندہ سی۔ <sup>11</sup> فریسی بندے بڑے عبادت خانے وچ کھلی  
 کے اِسرح دُعا شروع کیتی، ’اللہ تعالیٰ تہاڑا شکر اے کہ  
 میں ہور لوکاں نی طرح ناں، جیہڑے لُٹیرے، بد دیانت  
 تے حرامکار ہوئے ان! تے ناں ہی اُس ٹیکس کینہنے آلے  
 نی طرح آں! <sup>12</sup> میں ہفتے وچ دو روزے رَخٹا آں، تے اپنی  
 آمدن وچوں دَسواں حصّہ وی تہاڑے نائیں اپر دیتا آں۔‘

<sup>13</sup> پر جیہڑا ٹیکس کینہنے آلا سی او دُور ہی

کھلتا ریا تے آسمانے کی تکتے نی جُرأت نی  
 کیتی، بلکہ پٹیاں پٹیاں اِسرح دُعا کیتیس،  
 ’اے اللہ تعالیٰ، میں، غنہگار اپر رحم کر!‘

<sup>14</sup> فر حضرت عیسیٰ آخیا، ”میں تُساں کی دسی

شوڑاں کہ کہار جائے ویلے فریسی نی، بلکہ او  
 ٹیکس کینہنے آلا اللہ تعالیٰ نی نظر وچ نیک سمجھیا  
 گیا سی۔ کیئانکہ جیہڑا کوئی اپنے آپ کی بڑا

سمجھسی، اللہ تعالیٰ اُسی عاجز گرسی۔ تے جیہڑا  
 کوئی عاجز بٹسی، اللہ تعالیٰ اُسی بڑا درجہ دیسی۔“

## حضرت عیسیٰ نکیاں بچیاں کی دُعا دیئے ان

15 فرِ اسرح ہویا کہ لوکاں اپٹے بچے حضرت عیسیٰ کول  
آندے ۔ او چاہئے سن کہ حضرت عیسیٰ بچیاں اپر  
اپٹا ہتھ مُبارک رخی کے انہاں کی دُعا دیئے۔ اے گل  
تکی کے صحابیاں، لوکاں کی اسرح کرنے تون چہڑکيا۔  
16 پر حضرت عیسیٰ بچیاں کی آپے کول بُلایا تے آخیا،  
”بچیاں کی مہاڑے کول اچھئے تون ناں روکو، کیئانکہ  
اللہ تعالیٰ نی بادشاہی انہاں لوکاں واسطے ہی اے وے  
جیہڑے انہاں بچیاں نی طرح ان۔ 17 یاد رُخو! جیہڑا کوئی  
اللہ تعالیٰ نی بادشاہی کی انہاں بچیاں نی طرح قبول  
ناں کرسی، او اُس وچ کدے نی داخل ہوئی سکتا۔“

## امیر آدمی تے اللہ تعالیٰ نی بادشاہی

18 اک دفعہ اسرح ہویا کہ بنی اسرائیلیاں نے  
اک سردار حضرت عیسیٰ کولوں پُچھیا،  
”اے نیکُستاد جی! میں کیہڑا چنگا کم کراں  
تانکہ مکی ہمیشہ نی زندگی لبھی جائے؟“

19 حضرت عیسیٰ اُسی جواب دِتا، ”تُوں مِکی نیک اُستاد جی کیئاں آخیا؟ نیک ذات صِرف اِک ہی اے او اللہ تعالیٰ نی ذات اے۔<sup>20</sup> تُکی اللہ تعالیٰ نے حُکماں نا پتہ اے، یعنی کہ ’حرام کاری ناں کر، ’کُسے نا خُون ناں کر، ’چُوٹھی گواہی ناں دے، ’چوری ناں کر‘ تے ’اپنے ماؤ پیؤ نی عزت کر۔“  
 21 اُس بندے آخیا، ”انہاں ساریاں گلاں

اُپر میں بچپن تُوں پیا عمل کرنا آں۔“  
 22 اے گل سٹی کے حضرت عیسیٰ اُسی آخیا، ”اِک گل نی تہاڑے وچ حالاں وی گمّی اے: اپنا سارا کُجھ بیچی کے غریباں مسکیناں اُپر بندی شوڑ، فر تُکی جنتاں وچ خزانہ لبھسی۔ اے گم کری کے آ، تے مہاڑا پیروکار بٹی جا۔“

23 اے گل سٹی کے او بندہ بہوں مایوس ہویا، کیئانکہ او بہوں ہی دولت مند سی۔<sup>24</sup> حضرت عیسیٰ اُس کی تکی کے آخیا، ”امیراں لوکاں نا اللہ تعالیٰ نی بادشاہی وچ جاٹا کیتنا ہی مُشکل اے! <sup>25</sup> بلکہ میں اے گل آخساں کہ امیراں لوکاں نا اللہ تعالیٰ نی بادشاہی وچ

داخل ہونا زیادہ مُشکل آئے، اِس نی بہ نسبت کُسرے  
اُونٹھے نا سُوئی نرے نَکّرے وِچوں لَنگٹا فِر وی آسان آئے۔“  
26 اے گل سُنّی کرے لوک آخُن لَغرے، ”کدے ایئرے  
جھئی گل آئے، ترے فِر کُس کی نجات لبھی سکسی؟“  
27 حضرت عیسیٰ آخیا، ”انساناں واسطے ترے اے گل  
مُمكن نی، پر اللہ تعالیٰ واسطے سب کُجھ مُمكن آئے۔“  
28 حضرت پطرس آخیا، ”تکو جی، اساں ترے اپٹا سب  
کُجھ چھوڑی چھاڑی کرے تُساں نرے پچھے آئی گئے آن!“  
29 حضرت عیسیٰ انہاں ساریاں کی آخیا، ”ہاں بلکل!  
یقین کرو، جیہڑا کوئی اللہ تعالیٰ نی بادشاہی وِچ جائے  
نی خاطر اپٹا کہار باہر، بیوی بچے، پھینٹ پھرا ترے ماؤ  
پیؤ کی چھوڑسی، 30 اُسی اِس دُنیا وِچ انہاں نا کئی گنا  
لبھسی، ترے اگلے جہان اُسی ہمیشہ نی زندگی لبھسی۔“

## حضرت عیسیٰ اپنی موت سے فرزندہ ہوئے نے بارے وچ فر گل کرنے ان

31 فر حضرت عیسیٰ اپنے باراں صحابیاں کی الگ  
اک پاسے بُلائی کے آخیا، ”مہاڑی گل سٹو! ہُن آساں  
یروشلم شہر در پئے جُلٹے آن، اُتھے او ساریاں گلاں  
پُوریاں ہوسن جیہڑیاں نبیاں، ابنِ انسان نے یعنی مہاڑے  
بارے وچ آخیاں سن۔ 32 کیئانکہ اُتھے مکی غیر بنی  
اسرائیلیاں نے حوالے کیتا جاسی، تے او مہاڑا مزاح  
بٹاسن، مہاڑی توہین کرسن، تے مہاڑے اپر تھکسن۔  
33 او مکی کوڑے مارسن، تے آخرکار قتل کری شوڑسن۔  
پر تریئے دیہاڑے مکی اللہ تعالیٰ فرزندہ کری شوڑسی۔“  
34 پر صحابیاں کی اس گل نی کجھ سمجھ نا آئی۔  
اُنہاں کولوں اس گل نا مطلب پوشیدہ ہی ریا تے اُنہاں کی  
کجھ پتہ نا لگا کہ حضرت عیسیٰ کے پئے آخنے ان۔

## حضرت عیسیٰ اک انہرے فقیر کی شفاء دیتے انٹ

35 جائیاں جائیاں جس ویلے حضرت عیسیٰ اریحا شہر نے نزدیک پُہنچے تے اُتھے سڑکے کول اک انہا پیا خیرات منگٹا سی۔ 36 جیہڑے ویلے اُس لوکاں نے ہجُوم نے لنگٹے نی آواز سُنئی تے پُچھیا، ”کے گل آے؟“ 37 لوکاں اُسی دسیا، ”ناصرت شہر نا رہٹے آلا حضرت عیسیٰ جاٹا پیا آے۔“ 38 اے گل سُنئی کے او اُچی اُچی آوازاں وچ آخن لگا، ”عیسیٰ! داؤد نے تخت نے وارث! مہاڑے اپر رحم کرو!“ 39 جیہڑے لوک اگرے اگرے پئے جائے سن انہاں اُسی جھڑکی کے آخیا، ”چپ ہو!“ پر او ہور وی اُچی اُچی آوازاں وچ آخن لگا، ”داؤد نے تخت نے وارث! مہاڑے اپر رحم کرو!“ 40 حضرت عیسیٰ رُکے تے حُکم دتا، ”اس انہرے کی مہاڑے کول اٹو!“ جیہڑے ویلے او نیڑے آیا تے حضرت عیسیٰ اُس کولوں پُچھیا، 41 ”توں کے چاہٹا ایں؟ دس، میں تہاڑے واسطے کے گراں؟“ اُس جواب دتا، ”حضور، میں چاہٹا آن کہ مہاڑیاں اکھیاں نی لو اچھی جائے۔“



42 حضرت عیسیٰ اسی آخیا، ”ٹھیک اے، تہاڑیاں  
اکھیاں ٹھیک ہوئی جاں! تُکی تہاڑے ایمان نی وجہ  
توں شفا لبھی گئی۔“ 43 اُسے ویلے اُنہے نیاں اکھیاں  
ٹھیک ہوئی گئیاں۔ او اللہ تعالیٰ نا شکر ادا کرنیاں کرنیاں  
حضرت عیسیٰ نے پچھے ہوئی گیا۔ اے گل تکی  
کے سارا ہجوم اللہ تعالیٰ نی حمد بیان کرن لغی گیا۔

نور-ے-کشمیر



اللہ تعالیٰ اپنا فضل ترے امن پاک نبیاں نے ذریعے انسانیت پر ظاہر  
کیتا۔ اسان نا دلی مقصد اے کہ اس پیغام کی پھیلا یا جائے۔  
اسان خوشی نال عیسیٰ المسیح نے بارے وچ تسان نال گل  
کرساں، یا تسان نال دُعا کرساں، یا تسان نی مدد کرساں۔



<https://m.me/noor3kashmir> WhatsApp +447726104324 <https://noorekashmir.com>